

# 70 تفسير سورة الأنبياء (7) (من قول الله تعالى) قل إنما أنذركم بالوحي (الآيات 54-55)

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد سلام الله عليكم ورحمته وبركاته ثم اما بعد وصلنا الى قوله تبارك وتعالى قل انما انذركم بالوحي ولا يسمع الصم الدعاء الى ما ينذرون - [00:00:01](#)

قل انما انذركم بالوحي ولا يسمع الصم الدعاء اذا ما ينذرون هنا ذكر النص الكريم الانذار ولم يذكر البشارة انا ارسلناك بالحق ايه بشيرا ونذيرا ذكر الانذار ولم يذكر الايه؟ البشارة - [00:00:34](#)

والانذار بالوحي اي انما انا مبلغ عن الله عز وجل اخوفكم العذاب لم يذكر البشارة لان والله تعالى اعلم التخلية تأتي قبل التحلية الانسان يتخلى عن الاخلاق الرذيلة وعن الفواحش والمنكرات - [00:01:09](#)

قبل ان يتحلى بالاخلاق الكريمة فهنا انذركم لو قبلت الانذار ورقت قلوبكم وخفتم من ربكم؟ بشرتكم بشرتكم لكن القلوب فيها ما فيها والاعمال فيها ما فيها او هم على الكفر كيف تأتي البشارة وهم على الكفر - [00:01:41](#)

ننذرهم ونخوفهم عاقبة الشرك ويخافوا من الشرك وبعدين نبشرهم بقى بالايه؟ بالتوحيد والجزاء عليه ولذلك لما سيدنا معاذ قال للرسول عليه الصلاة والسلام افلا ابشر الناس قال له ايه قال له اذا يتكل - [00:02:11](#)

فنخوفهم؟ ايوا نخوفهم الاول ليتخلوا ثم يتحلوا وهذا هو تعليم النبي صلى الله عليه وسلم وهذه اوليات في الدعوة. الناس تخاف ان الله عز وجل لما ارسل النبي صلى الله عليه وسلم سيدنا معاذ - [00:02:39](#)

الى اليمن قال له ايه بقى يا معاذ ادعوهم الى شهادة ان لا اله الا الله واني رسول الله يبقى دي اول حاجة ايه بقى؟ يبقى يتخلوا عن ايه ها - [00:03:05](#)

عن الشرك ودول اهل كتاب قال له انت ستأتي قوما اهل الكتاب يهود ونصارى وكده يعني اول حاجة تخلوهم يشهدوا ان لا اله الا الله واني رسول الله. يعني ايه؟ يتخلوا عن الشرك - [00:03:21](#)

ويتحلوا بالتوحيد بعد كده بقى نبشر ونقول وهكذا. هكذا وضع الرسول عليه الصلاة والسلام اسس الدعوة لسيدنا معاذ يشهدوا ان لا اله يدعوهم الى شهادة ان لا اله الا الله واني رسول الله - [00:03:38](#)

فانهم اطاعوا يعني استجابوا وشهدوا فان هم اطاعوا لذلك فاعلمهم ان الله افترض عليهم خمس صلوات في اليوم والليلة بدأوا ايه؟ يتحلوا بقى الصلاة توصلهم تنهاهم عن الفحشاء والمنكر وهكذا - [00:03:59](#)

فانهم اطاعوا لذلك فاعلمهم ان الله افترض عليهم صدقة في اموالهم تؤخذ من اغنائهم وترد على فقرائهم حديث رواه البخاري وفي روايات تانية قال له واياك وكرائم اموالهم واتفق دعوة المظلوم - [00:04:20](#)

اتفق دعوة المظلوم هنا قل انما انذركم بالوحي اخوفكم. يبقى التخويف والتخلية الاول. وبعدين الايه للتحلية. عشان كده الايات قالت انذركم. طب فين ابشركم اه عشان تعرف ان البشارة ما جتش هنا عشان نتخلى الاول - [00:04:44](#)

ولذلك تأمل قل انما انذركم بالوحي ولا يسمع الصم الدعاء. اذا ما ينذرون ولا يسمع الصم الدعاء الى ما ينظر. من الصوم وايش الصمم الصمم مستعار لعدم الانتفاع بالكلام المفيد - [00:05:08](#)

طالما الانسان ما بينتفعش يبقى في ودانه ايه اما لو ودانه فيها مشكلة ما نقولش عليه من الصم مريض افرض بفهم بالاشارة

وبيستجيب وبيطيع الله عز وجل تطيع الله مع اني ما بيسمعش بالفطرة بنفهمه بي فهم - 00:05:33

انما دول ودانهم ما فيهمش اي مشكلة بس عندهم صمم ليه الصمم؟ لانه الكلام المفيد ما بيحاولوش ايه يسمع ولا يسمع الصم الدعاء.

ايش الدعاء اي دعوة النبي ايه هو الدعاء ده؟ يعني دعوة النبي - 00:05:57

ما في دعوة الرسول عليه الصلاة والسلام قل هذه سبيلي ادعو الى الله على بصيرة انا ومن اتبعني ادعو ببقى ولا يسمع الصم والايه؟

الدعاء يعني يسمعوا الدعوة دعوة النبي - 00:06:21

صلى الله عليه وسلم الصم دول بقى اللي هم مش راضيين يسمعوا الدعوة وماليين الدنيا طبعاً منين ده؟ عارف ممكن يكون واحد ما

وراهوش حاجة وكذا ودرس زي ده هو يسييه ويمشي - 00:06:35

ده عنده صمم عنده صمم بنسبة يقول لك اصله واحد تاني ماشي ما يسمعش خالص لا يبقى في صمم طب ليه لان لازم تسمع الدعوة وتعرف الدعوة انت الواحد بيستغرب بحالنا لما يسمعوا حديث يقول لك انا اول مرة اسمع الحديث ده ادحك اقول لأول مرة -

00:06:47

ضمنت سمعت الاحاديث كلها ما كنش فاضل الا دهوه بس وسمعتوا النهاردة اول مرة اسمع الحديث ده ليه يا ابن الحلال انت سمعت

كل احاديث مسكين مسكين ما ياما فاتك من الاف الاحاديث - 00:07:11

فعارف انت الانصراف عن مجالس الملايين ده نوع من الصمم لا بتسمع ايديها ولا ديها وبأدي الفريضة وحلوة كده كويس بس

نعمل باللي سمعناه بس بنعمل نعمل باللي عرفناه لا لا ما ينفعش - 00:07:32

اهو ده صمم ده صمم كلام ينفعه بينصرف عنه طب هل بقى هو مسلاً حفظ ازنيه يعني انصرف عن دروس العلم وقفل عليها وقال

خليكي كده ايه ها ما فيش حاجة وحشة تخش فيك ولا ما شاء الله عليها؟ - 00:07:47

كل غث داخل اول باول والسامين ايه زهد فيه ده صمم الانصراف عن مجالس العلم صمم الانصراف عن اي حاجة تفيد الانسان في

دينه ودنياه صمم الاسراف عن كل مفيد - 00:08:08

حتى ان المشركين تنبهوا للمسألة دي قالوا ان بداية الصلاح والاصلاح من الاستماع هتسمع هتعرف وان عرفت اتطبق في يوم ما

فاحسن حاجة ايه ما تسمعش نقفل الباب بالاول. وقال الذين كفروا - 00:08:28

لا تسمعوا لهذا القرآن والغو فيه شوشوا عليه حتى لو كان حد ممكن ممكن يدي له ودنه لأ شوشه كلام يدخل في بعضه ما حدش

يعرف يسمع ولا يركز هي دي ما هي دي البداية - 00:08:52

ولذلك اهل النار لما يدخلوا النار بيتألما ويتوجعوا ويندموا يقوموا يقولوا ايه؟ وقالوا لو كنا نسمع او يعني انتم كنتم ايه؟ طرش. لا

كانوا يسمعوا يوه واجهزة التنصت وتليفونه بيسمع والحيطان بتسمع بس الا السماع المفيد - 00:09:08

سماع المفيد لأ اتجسس ويحاول يسمع كل حاجة حط السماعات في كل ناحية تجيب له جميع الاخبار البعيدة والقريبة وقالوا لو كنا

نسمع او نعقل ما كنا ايه في اصحاب السعير. هذه الاية فيها قراءتان - 00:09:37

قل انما انذركم بالوحي ولا يسمع الصم الدعاء ولا يسمع الصم الدعاء. حاول تفتكر حاجة من نحو كده اه كان في اخ فاضل كده عامل

برنامج اسمه النحو حبيبي مش عارف هو حبيبنا ولا عدونا - 00:09:57

يعني ايه برنامج كده اسمه النحو حبيبي وفعلاً النحو يحب ولا يسمع الصم الدعاء. تعرب الصم ايه؟ الصم ولا يسمع الصم الدعاء ها

فاعل. جميل دي قراءة الجمهور ولا يسمع الصم الدعاء - 00:10:19

يبقى القراءة بتوصف لنا ايه بقى؟ بتوصف لنا ما هو ما هو عمل الصمم ما يسمعوش بينصرفوا وهم اللي بينصرفوا فاعل اهو بقى

الصم وايه ها فاعل يبقى هو لم ينصرف - 00:10:42

يبقى القراءة دي بتوصف لنا حال مين؟ المدعو المدعو زي ما بقول لك انا في درس علم يمشي. طب في درس علمي في الحنة

الفلانية برضه لأ. ولا هنا هو انت فاهم في التليفزيون برضه لأ. ليه يا ابن الحلال؟ - 00:10:55

نفس الكلام ولا يسمع الصوم الايه في داعية هنا او في دعوة هنا او دا لا لا ولا دي ولا دي ليه اي كلام بقى ناس بتقول اي كلام وناس

احنا المذبوظين الناس دي مش مضبوط. بيقولوا كلام ما بيطبقهوش. ده فلان عنده وفلان عنده وفلان عنده. من المعاييب يعني ولا يكذب القراءة دي بتصور حال مين ها المدعويين في انصرافهم - 00:11:24

ولا يسمع الصم الدعاء اذا ما ينذر. لما تيجي تنذرهم يا محمد ما يحاولوش يسمعوا ابدأ ويمشوا قراءة تانية قرأت ابن عامر بيقول فيها ايه بقى؟ طبعا ده عمل وما جبش حاجة من عنده كله الرسول هو اللي قرأ - 00:11:43

قال رب العزة ولا تسمعوا الصم الدعاء. يبقى تعرب الصم ايه مفعول طب ودعاء؟ مفروق لأ مفعول برضه مفعول ثاني برضو. انا هاتيني انا وراكم لما اعلمكم الناحة ولا تسمع الصم - 00:12:01

الدعاء مش كده؟ فين الفاعل تقديره سيدنا النبي لأ ما فيش نائب هنا ما فيش نائب هو ريس لوحده ما فيش هو ما عندناش نواب احنا هنا. تسمع الصم الدعاء - 00:12:24

الفاعل تقديره رسول الله عليه الصلاة والسلام. هو مين هو اللي هيسمي؟ ما ترجع للاية قل انما ايه اندركم بالوحي هو ده الفاعل تقدير الفاعل ولا تسمعوا يا محمد - 00:12:47

الصم الدعاء يعني ايه بقى قراءة دي بتصور حال مين الداعية لكن المدعو ولا يسمع الصم المدعويين الدعاء هنا ولا تسمعوا تسمع الصم الدعاء يعني ايه؟ امال الرسول ما بيقدرش يسمع حد - 00:13:05

فالرسول ما يدخلش الدعوة في ودان حد ولا في قلبه لا يدخل دعوة في اذن ولا يدخل دعوة في قلب ولا يملك شيء. الله اكبر كده الاية بتوصف حال ايه ها - 00:13:38

الداعية الداعي ليس لك من الامر شيء انك لا تهدي ولكن الله ايه اه قل انما اندركم بالوحي ولا تسمعوا الصم الدعاء اذا ما ينذرون. لما تيجي تنذرهم آ الصم مش - 00:13:54

ما هو وانت ما تقدرش تعمل حاجة. طب اعمل ايه يعني؟ بلغها انذر انذر ولئن مستهم وطبعا اكبر شاهد على كده ابو طالب مش كده وابو لهب الدعوة وصلتهم ده كان ابو لهب قريب جدا جدا من الدعوة - 00:14:18

وابو طالق له دعوة خاصة يعني تخيل لما يكون ابوه لأ الرسول عليه الصلاة والسلام يمشي في السوق قولوا لا اله الا الله تفلحوا وهو وراه يقول لا تصدقوه طب انت عاوز ايه بقى؟ يعني سمع الاية - 00:14:41

والدعوة للناس اهي ده كله قولوا لا اله الا الله تفلحوا لا تصدقوه ما فيش طب يدخلها في ودن آ ابي لهب ازاى؟ دخلها جوة قلبه ازاى وابو طالب دعوة خاصة قل لا اله الا الله احج لك بها ايه - 00:14:56

عند الله ولئن مستهم نفحة من عذاب ربك ليقولن يا ويلنا انا كنا ايه وعلى اليمين. ده مين دول المدعويين اللي انت خوفتهم ما خافوش مستهم نفحة من العذاب. هيقولوا ايه بقى؟ يولولوا - 00:15:14

يولوله ولئن مستهم نفحة النفحة يا جماعة تكون من الخير والشر. يعني البتاع ده ايه نافعة مش كده ولو فيه ثاني برضو هاته ما يضرش فالنفحة تكون منين من الخير والشر - 00:15:40

حتى اني من يعني من الكلمات الطيبة يقول لك نفح الطيب ينفع اي فاح قيم طيب المسجد عطل المسجد واحد حاطط طيب من الغالي لحجر فخمة تلاقيه من ساعة ما دخل كل المسجد ايه؟ نفح الطيب ينفع اي فاح - 00:16:02

له نفحة طيبة ونفحه بشيء اي اعطاه. ولفلان نفحات من المعروف. ومن الجمال في اللغة بقى كمان. نفحت الريح يعني هبت لو هبت بشيء بارد طيب حلو كده نسمة طيبة تبقى ايه ها - 00:16:24

نفحة طب لو هبت بريخ سخنة ورمل ناعم يخش في العيون تبقى لفحة لفحة يبقى النفحة شيء بردي نسمة حلوة كده تنبسط منها دي نفحة لفحة اعوز بالله حر ورمل ناعمة تلفح - 00:16:46

تلفح وجوههم النار تلفح مش تنفح حرارة بقى حرارة بس. انما النفحة من الخير ولئن مستهم نفحة من عذاب ربك ليقولن يا ويلنا لو مس هؤلاء المكذبين المعرضين عنك يا محمد والمعرضين عن الدين والمعرضين عن الاسلام والعيال اللي بترتد والعيال -

الشیطان كل دول كل دول كل دول ولئن مستهم ایه ها نفحة والشواز خد كل الاشكال دي ولئن مستهم نفحة من عذاب ربك ليقولن ایه يا ويلنا انا كنا ظالمین. احنا كنا مزودینھا قوي صحیح - [00:17:40](#)

كنا مزودینھا قوي یاه! ای والله فاسأل الله العزیم رب العرش العزیم ان یرزقھم نفحات من عذابه یفوقوا واحد یقول طب ما تدعی لهم بالهدایة. لم یریدوها اقصد الشواز تحیدھا لم یریدوها - [00:18:02](#)

لأ الهدایة دي اطلبھا واحنا نساعد معك وندعی لك اطلب انما تتنكر الصراط ومصمم على اللى انت فیہ بل فخور فخور ولئن مستهم نفحة من عذاب ربك ليقولن مش لازم یقولوا لنا ونسمعه - [00:18:21](#)

بس الایة تتحقق هیقول هیقول. بینہ و بین نفسه یقول فی خلوته كده مش لازم احنا نسمع الكلمة دي لأ مش لازم بس سنة الله ليقولن یا ویلنا انا كنا ظالمین - [00:18:47](#)

احنا زودناھا قوي ما کنش یصح النعمة اللى عملناھا ده هو ده فالله سبحانه وتعالی ما غر العباد وجرأهم على المعاصي الا حلم الله حلمه کرمه صبره ولو یؤاخذ الله الناس بما کسبوا - [00:19:07](#)

ما ترك على ظهرھا اندب قوله تعالی ونضع الموازين القسط لیوم القیامة فلا تظلم نفس شیئا وان کان مثقال حبة من خردل اتینا بها وكفی بنا حاسبین وكفی بنا حاسبین - [00:19:34](#)

ونضع الموازين القسط تأملوا الایة عباد الله عز وجل وضع المیزان فی الدنیا والآخره. فی میزان موجود فی الدنیا والآخره واحنا مکلفین بمیزان الدنیا. میزان الآخره خارج نطاق التکلیف - [00:19:59](#)

میزان الآخره ما لناش علاقة به ان احنا هنتقدم له بس انما میزان الدنیا اهو كله فی ایدینا میزان الدنیا فی ایدینا. الله وضع المیزان فی الدنیا الآخره. سورة الرحمن قال رب العزة والسماء رفعھا - [00:20:18](#)

وایه ووضع المیزان ای العدل شیء عجیب جدا تلاقی المیزان مرسوم. عارف مرسوم فین مرسوم مرسوموا وعلى عربیة وعلى الورق ببجي ورق كده بس ومیزان. یا الله ووضع المیزان وضعه فین - [00:20:35](#)

وضعه فی كل شیء وامر بالقسط فی هذا المیزان فی الدنیا فی كل شیء یعني المیزان موضوع فی كل شیء والقسط فی المیزان فی كل شیء فی نفس الصورة الا تطغوا - [00:21:01](#)

بالمیزان واقیموا الوزن بالقسط ولا تخسروا المیزة اوجب القسط ای العدل فی المیزان فی كل شیء كما قلت حتی الكلمة قال تعالی فی سورة الانعام اوفوا الکیل واوفوا الکیل والمیزان بالقسط - [00:21:22](#)

لا نکلف نفسا الا وسعھا واذا قلت تعدل ولو کان ذا قریى حتی القول یا اخوانا کلنا لیھنا خصوم وکلنا عندنا مشاكل وکلنا بنمر بلیة وعلي لی وعلي بتیجي تتکلم - [00:21:41](#)

عن اللى لك وبتحط فی کفة حسناتک یوه دروس فی کفة ایه حسنا وعملت وعملت وعملت طب علمیه لصین من الناس زوجة صاحبک شریکک اخوک ای حد انت بقى عندک فی الحسنات عمال تتستف - [00:22:05](#)

وعنده هو بتستف له فین بالسیئات. طب ما تحط حاجة فی الحسب. لا ما لوش معقول ما لوش حاجة خالص ما لهاش حاجة خالص ما عملتش حسنة لا اله الا الله - [00:22:27](#)

ما عملش حسنة انت كده بس علیت قوي هنا كده وهنا عمال تعلی فی الایه ده یبقى وزن ما هو ربنا قال اهو واذا قلت بعدله حطیت عندک میزة وقلت فی فی المیزان بتاعک انا عملت کزا - [00:22:41](#)

افتکر هو عامل من مزایا ایه وحط له واحدة قبلھا صح ولا مش صح صح ولا مش صح؟ انا سافرت وجبت فلوس واللى وهو ما عملش حاجة ما تشتغلش فی الغیط ما اشتغلش فی البیت ما خدمش ابوک وامک اللى اللى لا لا لا. انا اللى باجیه - [00:23:04](#)

ان حطیت حسنة هنا دور له على حسنة ایه تحطھا له فی میزانه وکمان حسنة عندک برضو شف دوروا له على حسنة ممکن یطلع اقل منك ممکن بس یبقى برضه عنده ایه - [00:23:22](#)

ولا تنسوا هي دي ولا تنسوا سواء بقى زوجة وبالزات الايام دي بقى زوجة وزوج وكلام لأ برضه زوجة قاعدة تستف وهو يا ولدها ما فيش حاجة عنده خالص طين او العكس - [00:23:36](#)

او العكس طب طبعا ده غلط وعاوزين بقى دي الوزن موازين ربنا حاططها لنا وهل نتحاسب عليها؟ الموازين دي هنتحاسب عليها. يعني الزلم مش للكلمة هنتحاسب عليها؟ ايوة امال امرنا بالعدل ليه - [00:23:54](#)

امرنا بالعدل عشان نأخذ ولزلك لأ نفس الاية ذلكم وصاكم به لعلكم تذكرون ذلكم وصاكم به. او الاولانية لعلكم اه لا دي لعلكم تذكرون وصاكم وصاكم بالعدل حتى في القول وقلت مرارا وتكرارا اللي هيعدل في القول هيعدل في كل حاجة - [00:24:06](#)

اعدل في المعاملة وكل شيه لانه بيضبط لسانه اللي ضبط لسانه يضبط معاملاته انما بيجور في القول مش هيعدل في حاجة يبقى اول حاجة ان ربنا اللي وضع الميزان في الدنيا وفي - [00:24:30](#)

الآخرة. موازين الآخرة تاني حاجة نتأملها في الاية ان موازين الآخرة يا اخوانا ليس فيها الا القسط. موازين الدنيا وارد فيها ايه ها وارد فيها دي ووارد فيها دي وادي السنة نعدل وادي فيها نجوم - [00:24:44](#)

زي آآ عبدالله بن رواحة. كان بيعدل بين الرسول ومين؟ كف فيها رسول الله وكفى فيها يهود يعمل ايه يا عبدالله؟ طبعا الكفة اللي فيها اللي الرسول ايه ها؟ ينزلها واللي فيها اليهودي يولع فيهم. لأ طبعا - [00:24:59](#)

مش ممكن قال لهم حبي له وبغضي لكم ما يمنعينش ان انا نعدل. ان انبسطوا قوي وقالوا بهذا قامت السماوات والارض بالعدل اللي انت بتعمله ده فعلا يا اخواننا بيكرههم جدا وبيحب النبي جدا بس النبي مش شايف الحقائق بتاع اليهود - [00:25:17](#)

ومش شايف قد ايه الاية المحصول واللي يورده يورده للرسول هم هيوردوا النص نص واخذ بالك؟ لان هم كده كانوا هم بيزرعوا ارضهم بلقمتهم بس بلقمتهم الملكية بتاعة الرسول والمسلمين خلاص ما عدش لهم ملكية على خير. فالشاهد لما يقول لهم النص ده وطبعا ما فيش بقى ميزان قباني - [00:25:41](#)

بتاع اسمه ايه البسكول والحاجات اللي انت عارفها دي ما فيش ما فيش والكلام ده يتعمل امتى؟ بعد ما ما نجز ونوزن لكن هو بيقول كده على الشجر يبص على الشجر كده - [00:26:11](#)

لونه عندكم قد كده فطبعا ما فيش رقيب عليه الا مين؟ الله الرسول صلى الله عليه وسلم شايفه ولا الرسول شايف المحصول؟ ولا هم يقدروا يقولوا كثير ولا شوية لان هم مستضعفين اصلا ما لهمش اي قوة - [00:26:23](#)

هو ده العدل هو لا بحامدة ولا بحامدة. هي دي القضية وخلي بالك بقى الوزن ده مش يعني اوعى تكون فاهم الوزن لان حاجة بتتخط في الكفة. انا راجل مسلا بمتحن وشباب عشان يخشوا في - [00:26:41](#)

ده معين وانا الممتاحن الو جاي لك الواد ابن ابو رجل مسلوخ الواد يعدي من غير امتحان اطلب له قهوة اطلب له شاي وناجح مش عاوزة كلام وفوش اي مؤهلات للايه - [00:26:57](#)

للعمل اللي احنا طالبينه له وجالي كفاءة كفاءة ده يبقى عدل ولا زلم؟ فين الميزان في الحالة دي وقال الولد كفاءة امرمط فيه. سؤال يمين شمال. معلومات عامة معلومات فنية - [00:27:12](#)

ما شاء الله موسوعة واد موسوعة بس شكله مش عاجبه. ليه؟ عارف شكله مش عاجبني ليه؟ ها لأ يا عم شكله مش عاجبني لا الواد ده شكله كده نكدي - [00:27:28](#)

الواد ده نكدي خلاص بعد ما مرمطوا ما لكش نصيب ما اقولش اسكت خالص بقى وخلاص وحط قبالة صفر ولا اي حاجة عدل ما هو واقيموا الوزن فموازين الدنيا وارد فيها العدل والايه؟ اما ميزان الآخرة انسى بقى ميزان الآخرة ما فيهوش الا الايه - [00:27:47](#)

وعلشان كده الميزان اللي في الآخرة وصف بالقسط ونضع الموازين القسط تعرب القسط ايه ونضع الموازين القسط صفة صفة الميزان قسط ولا هو بيوزن بالقسط يعني بالله عليك لو انا جبت ميزان الكفتين بتوعنا دول - [00:28:11](#)

وقلت لك خد الميزان او خد القسط فهمت يعني الميزان ده بيوزن بالايه امال لما يكون هو نفسه الميزان نفسه هو القسط يعرفوا حاجة اسمها دمغ موازين ده من الرموزين يعني ايه؟ يعني بيروح يحرروه المصلحة. فيه مصلحة. بس طبعا ما عدش الا فيه بتاع ده



انت ورزقك. المهم الاصل فيه انه يروح مصلحة متخصصة وادوات دقيقة جدا حط الميزان ونزبطه بحيس لما ييجي يوزن يوزن والبتاع بيسموها بيسموها الشاهد او الشاهين اللي في النص دي تبقى كزا ونحرره وكده يعني - 00:29:18

ونزبطه وناخد فلوس عليه. نقول له خد يا عم بقى ميزانك ايه ها مزبوط. والسنج السنج الحديد اللي تنحط بيتاكل يطمئن عليها وبرضو في اجهزة حساسة جدا بتأكد ان الكيلو كيلو - 00:29:39

ونص نص نص وهكزا ايه ده اسمها ايه؟ تحرير الميزان او يعني الميزان كده يبقى عدل اه معدل او مدمو ها معايرة اه معايرة هنا بقى ميزان الاخرة كده الميزان هيوزن بالايه؟ الميزان اللي احنا عملناه المعايرة دي هيوزن بالايه؟ بالقسط - 00:29:52

مش شرط يكون التاجر بقى نفسه يوزن بالقسط اصل ممكن يتاجر يكون نفسه يوزن بالقصة بس الميدان ايه؟ خربان لذلك يقول لك ما تحطش الميزان آآ يعني كده بميل. لو انت ما بتوزنش اصلا يعني هو فاضي خالص وما بتوزنش خلصت بيع وتحطه كده. ما تحطوش - 00:30:14

ميل لازم يبقى عدل لان التمييلة دي هتبور الوزن وهتأسر فيه حركة الايه؟ الوزن فهنا موازين الدنيا بنحاول نخليها بالقسط لأ ميزان الاخرة هو نفسه. القصة مش بيوزن بالقسط لأ هو نفسه القسط - 00:30:31

ونضع الموازين الايه القسط يبقى ميزان ميزان العدل والميزان اصلا محطوط فين؟ ده بين بين يدي رب العالمين اصلا هيبقى فيه تطفيف اه ونضع من دقة هذه الموازين يا اخواننا زي ما الاية بتقول كده - 00:30:56

اه فلا تظلم نفس شيئا وان كان مثقال ايه؟ حبة من خردل اتينا بها وكفى بنا حاسبين. مثقال يعني ما يماثل المثقال ما يماثل شيئا في الثقل استدل النبي عليه الصلاة والسلام بالاية دهى تحديدا - 00:31:17

استدل بها على ايه؟ على وزن الاقوال والافعال بالموازين دي ونضع استدل عليها توزن. احنا اتكلمنا عن الايه؟ لما كنا بنتكلم عن الميزان واسترشدنا بهذا الحديث عن عروة على عائشة ان رجلا سيدنا النبي صلى الله عليه وسلم بنفس الاية دي ان رجلا جلس بين يديه صلى الله عليه وسلم فقال يا رسول الله ان لي مملوكات - 00:31:43

يكذبوني ويخونني ويعصوني واضربهم واشتمهم. فكيف انا منهم؟ يعني لي ولا علي ولا ايه؟ فكيف انا منهم فقال له رسول الله صلى الله عليه وسلم يحسب يحسب سبحانه الله! طب هتحنسب ازاي - 00:32:07

هتحنسب ازاي يا اخوانا دي عملية صعبة جدا من اغرب برضه الاشياء اللي الناس بتظلم فيها آآ مسلا واحد خاطر ان الحالة دي كانت قدامي تحديدا واحد خاطب واحدة ومقدم لها ذهب - 00:32:29

ذهب وما ادراك ما الايه؟ ما الذهب. الذهب دلوقتي كل يوم الناس تنصع كل يوم يحصل حد بيتسعر بيتصعد سعار كده تيجي تمسكه يعضك مسعور مسعور عقيق الذهب الذهب فالمهم هو جاب ذهب برقم - 00:32:47

وحصل انا عاوز اقول لك الميزان اهو بقى وحصل اللي حصل كلمة من هنا وكلمة من هنا الخطوبة الجوازة مش ايه مش مشي تعالى نادبه بقى طيب هنحسب الكلام بكم جرام - 00:33:08

شفت بقى شفتم الزلم اللي احنا فيه قال لها كلمة وقالت له كلمة طيب الكلمة بتاعتها بكم؟ والكلمة بتاعته لانه مش هيدي له الذهب كله هيدوا له جزء من الذهب. والباقي ايه - 00:33:29

هيتاخذ مقابل ايه؟ كلام. بس يعني لا في جراح ولا كسور ولا ولا اي شئ ما فيش حاجة كل الموضوع ايه؟ كلام. طيب نحسب الكلمة بكام وطبعا كان جايه برقم - 00:33:48

كان بيقلوا سبعمية وتمانين حاجة زي كده جرام دلوقتي بقى بايه اه اديني عقلك بقى. يعني الجرام جرام خط في الدماغ اه هي واحد جايز تجيب سكتة ها اهي دي بقى الموازين - 00:34:05

دي الايه؟ الموازين. هنا سيدنا النبي قال له هيحسب ما خانوك وعصوك وكذبوك. طب انت تتحنسب ازاي ازاي دي بقى ما نعرفش بس هتحنسب لان الوزن اللي الميزان اصلا ايه ها الميزان اصلا قسط يبقى مش هيطلع الا الايه - 00:34:24

الا القسط والعدل ان يحسب ما خانوك وكذبوك وعصوك وضربهم وشتمهم. مش انت ضربته وشتمته؟ قال له اه. قالوا هم خانوك؟ اه. كذبوا عليك؟ اه. ده هيتحسب وده هيتعمل. ويتحط فين - [00:34:48](#)

تلميزان يحسب ما خانوك وعصوك وكذبوك وعقابك اياهم. ان كان عقابك اياهم دون ذنوبهم. الميزان اللي هيقول بقى الميزان ايه؟ يبقى فيه عقاب وفيه ايه؟ اخطاء عندهم. ان كان عقابك اياهم دون ذنوبهم - [00:35:09](#)

يعني ايه؟ اقل من الايه؟ ذنوبهم كثير. كان فضلا لك ببقى انت كده ايه كويس فضلا لك عليه. وان كان عقابك اياهم بقدر ذنوبهم قد بعضه ببقى ايه؟ لا لك اه كان كفا لا لك ولا عليك. وان كان عقابك اياهم فوق ذنوبهم - [00:35:31](#)

اقتص لهم منك الفضل الذي ببقى قبلك بقية الحقوق ياخدوها منك فجعل الرجل شف الرجل يبكي ويهتف بين يدي رسول الله صلى الله عليه وسلم. ما هو مش عارف. والرسول نفسه مش عارف - [00:35:56](#)

الرسول مش عارف ما هو لو الرسول كان يعرف يطمئه كان طمئه ولا ايه كان قال له لا ما تخافش ما تخافش مسلا يعني لا عليك لا الرسول عارف ولا هو ايه - [00:36:15](#)

لكن هيتحسب هيتحسب فلما بقى عمال يبكي فقال ايه الراجل ده جرى له ايه؟ ما له؟ اما يقرأ الاية اللي احنا معه اما يقرأ كتاب الله ونضع الموازين القسط ليوم القيامة - [00:36:27](#)

فلا تظلم ايه عرفتي بقى الفرق بين القراءة والتطبيق ده ما احنا بنقراه طب وهل الصحابي ده كان قراها ممكن طب هو عاشها؟ لا شكله ما عاشهاش لسه اول مرة الرسول ايه - [00:36:44](#)

بيعيشوا بيقول الوضع هيبقى انت بتبكي ليه؟ هو هيبقى كذا كذا كذا اما يقرأ كتاب الله؟ احنا هنحنس الزن به؟ كان بيقراً كتاب الله بس ما يعرفش الايه تفعيل الاية هتتفعّل ازاى وعليه هو تحديدا. اصله ممكن ان انا اقرأ الاية على انها اية لكل الناس - [00:37:03](#)

لما تيجي تنزلها عليك انت بقى هو ده الاساس. فعلشان كده لما جه ينزلها على نفسه بكى واخذ بالك من الكلام ولا لا؟ لان هو كده نزلها على نفسه - [00:37:28](#)

هل صحيح ما هو حاجة من ثلاثة يا انا ببقى لي في احق عليهم ببقى في امان. قد بعضهم في امان. انا بقى اكثر ببقى انا مش في ايه مش فاهم. هو كده يا اخواننا هو ده التعامل مع القرآن ان احنا ربنا نسأل الله ان يعيننا ان اي اية اوعى تعتبرها بتخاطب الناس بس - [00:37:41](#)

انت انت نزلها على نفسك. وهو ده لما نزلها على نفسه بكى فافاز بالرسول عليه الصلاة والسلام ذكره بالاية فعمل ايه بقى كان زكيا زكيا. ليه فانا يا طلبة انا مش قد الاحمال دي احسن حاجة ايه - [00:38:01](#)

اخلص منها دلوقتي اخلص منها دلوقتي ولو رجعنا للحالة اللي احنا كنا لسه ايه بنقولها الذهب ها هتتوزن هتتوزن ، قال لها كلمة. وقالت له كلمة طب الذهب فين مش كده - [00:38:22](#)

لقى ما هو قال لها وقالت له بس هنا في كفتها هي خدت الايه وكفته هو ببكي وعمال يقول حسبي الله ونعم الوكيل كلمة وكلمة كلمتين وكلمتين طب اديها فين - [00:38:42](#)

وهكذا. قس على كبدك بقى كل حاجة كل حاجة. الموازين دي يا اخواننا اه زي ما النص قال كده. فالشاهد فقال الرجل يا رسول الله من الآخر كده ما اجد شيئا خيرا من فراق هؤلاء - [00:39:00](#)

ولا انا مش عاوزهم خالص اشهدك انهم احرار كلهم احرار وخلص لا يكذبوا علي ولا ببقى لهم حاجة عندي انا بقى هنا بقى ميزانه فين ها؟ في حقه هو. لا يمكن نزاله هيميل شتيمة ايه ودرب اله ده ده اطلقوا الحرية خلاص - [00:39:13](#)

بقى حر ادى له حرية وهو طبعا العبد ده بطنم زي السيدة صفية كده لما سيدنا النبي اداها الحرية مهر ايه اللي يكفي دي ما هي اداها مهر ايه؟ دا بنت السيد اسياذ اليهود صفية بنت حيي. هيديها ايه دي - [00:39:41](#)

ده ده بقدر ايه ومهره قد ايه؟ ده من السادة الكبار قوي واليهود طبعا وما ادراك فادها الايه؟ ها الحرية اعتقها خلاص ده احسن مهر عمرها ما كانت تحلم به - [00:40:01](#)

ولا حد خده الحرية وبعد كده ايه تزوجها صلى الله عليه وسلم. فهو عمل كده قدامه الحرية فكده ميزانه عشرة على عشرة. اه وكذلك ابو هريرة يروي عنه صلى الله عليه وسلم فيما هو متفق فيما هو متفق عليه كلمتان خفيفت - [00:40:15](#)

فتاني ها على اللسان ثقيلتان حبيبتان الى سبحان الله وبحمده سبحان الله العظيم. اتحط في الميزان اه ونضع الموازين القسط. يقوم يتقل بقى الميزان بكلمتين بساط زي دول صبح الله. هم بساط في نطقهم - [00:40:33](#)

بس معناهم عزيز جدا والموازين يا اخوانا بتزن اقل الحسنات مقابل اكبر السيئات يعني تقول مسلا اهدي جنب دي ما تمشيخ خالص لأ الموازين دي بتوزن ونضع الموازين القسط. والحديس زكرناه قبل كده اللي هو حديس التسعة وتسعين ايه - [00:40:52](#)

سجل مش كده؟ تسعة وتسعين سجل والبطاقة اللي فيها ايه؟ اشهد ان لا اله الا الله وان محمدا حتى كمان عند وزن سيئات هذا العبد رب العالمين تسأله اظلمتك كتبته - [00:41:11](#)

زلموك في حاجة العبد يقول لا. لان هو شاف السجلات شاف السجلات واطلع عليها يقول لأ ما حدش زلمني في حاجة افلك عزراو حسنة؟ فيبهت الرجل ينسى اي حسنة عملها لان - [00:41:24](#)

لكن رب العزة يقول له ان لك عندنا حسنة واحدة هو مش فاكرها هو مش فاكرها او ان كان متزكر لها مع هول الموقف نسيها ان لك عندنا حسنة واحدة لزم اليوم عليك - [00:41:42](#)

وتوضع البطاقة والسجلات تطيش الياه السجلات وتثقل البطاقة آآ هل هو ميزان واحد ولا اكثر من ميزان اختلف اهل العلم؟ حافظ ابن كثير خد من الاية ونضع الموازين القسط يعني العدل هل هو - [00:42:00](#)

ميزان واحد طب ومين الموازين دي جاية جمع ليه؟ قال باعتبار تعدد الاعمال الموزونة. ما هو كم مليار بني ادم هنوزن لهم اعمالهم تبقى جمعها ايه موازين موازين فلان وفلان وموازين فلان يبقى موازين. يبقى هو ميزان واحد بس ايه - [00:42:18](#)

عشان تعدد الاعداد يبقى جاء الصيغة الكاملة. ابن عاشور قال هو اول ميزان حقيقي. وانا أويد هذا الميزان الحقيقي. حاجة كده لها كفتين وبتوزن والناس بتشوفها زي ما هو معهود عند الناس ميزان المعنى المعهود عند الناس والمعروف عند الناس - [00:42:39](#)

بببقى ميزان ايه؟ حقيقي. لا خلاف على هذا. آآ وكلام زود هو بقى على كاعلامي ابن كسير شوية قال هو ميزان واحد توزن فيه اعمال العباد واحدا فواحدا. وانه بيد جبريل - [00:42:59](#)

داندا بيد مين بيد جبريل عليه الصلاة والسلام آآ والجمع ليه باعتبار الاوزان ايه؟ متعددة ونضع الموازين القسط ليوم القيامة ليوم القيامة اللام دي قال فيها اهل العلم ايه؟ الموازين القسط - [00:43:15](#)

ليوم القيامة. اي قالوا اللام دي للتعليل اي لاجل يوم القيامة او هي بمعنى فيه اي نضع الموازين القسط هه في يوم القيامة ليوم القيامة يبقى اللام للتعليل اي لاجل يوم القيامة - [00:43:40](#)

او اللاندي بمعنى في اي بمعنى بمعنى في يوم الياه؟ القيامة. زي ايه؟ بالنسبة للنساء يعني طلقوهن ها لعدتهن لعدة بمعنى عند يعني ونضع الموازين القسط ليوم القيامة فلا تظلم نفس ايه ها - [00:44:00](#)

يا سلام تصميم لكل الناس الكافر لو قراها ها بيظمن تقول ازاي ده هو كافر اصلا مش مؤمن بالله لأ الكافر عارف ان فيه ورا هذا الوجود سر بس ممكن مش عارف السر ده اسمه ايه - [00:44:24](#)

عارف عارف ان ورا الوجود ده سر حاجة قوية حاجة بتدير الكون ده كله بس ايه هي الحاجة دي ؟ ده الامر ايه ها؟ ملتبس عليه في دي. ايه المسلم الحمد لله عرف ان وراه مين - [00:44:46](#)

الله سبحانه وتعالى. اليهودي والنهودي عارف ان وراه الله. النصراني عرفوا ان وراه الله بس معرفتهم لله مشوهة مشوهة معرفة المسلمين والله الحمد نقية وكفى بنا حاسبين. كفى بنا حاسبين - [00:45:02](#)

يعني لا يتطلعون الى احد يحاسبهم الا مين وكفى بنا حاسبين تخلي الانسان مطمئن جدا وان اوي يا اوي اخي ده احنا على مستوانا في الدنيا اه لو احنا مسلا قاعدين في قضية ولا حاجة وهناخذ وصلات امانة ولا اخد مش عارف ايه - [00:45:24](#)

آآ نحطها عند مين؟ نقول نحطها عند فلان تلاقى المجلس ما حدش ايه ها اعترض كأن فلان ده كله ايه ها راضي عنه ولله المثل الايه



لما رب العزة يقول لنا وكفى بنا ايه - [00:45:45](#)

يبقى اطمئنوا يبقى الكل لازم ايه؟ يطمئن. مش هيتظلم مش هيتاخذ منه حاجة. مش هتتحطم عليه حاجة وكفى بنا حاسبين الله وبنا دي العظمة ديت النون دي للعظمة وكفى بنا - [00:46:02](#)

حاسبين دي للعظمة. الله سبحانه وتعالى اه يعظم نفسه وهو سبحانه وتعالى عظيم اصلا ولقد اتينا موسى وهارون الفرقان وضياء وذكرنا للمتقين تذكير بقى لسيدنا النبي عليه الصلاة والسلام يعني لانه قال له ايه - [00:46:22](#)  
قل انما اندركم بالايه بالواحد قبلك قبلك يا محمد اتينا موسى وهارون الايه الفرقان اي الكتاب الفارق لان عندنا الفرقان يعني القرآن طب وهم خدوا قرآن ولا خدوا توراة قالوا توراة - [00:46:43](#)

خدوا توراة والتوراة برضه فرقان؟ ايوه ليه؟ لانه بتفرق بين الحق والايه؟ والباطل والهدى والضلال والحلال حرام بتفرق بتفرق ولقد اتينا موسى وهارون الفرقان وضياء وذكرنا للمتقين. كل الكتب السماوية كده يا اخوانا بتفرق بين الحق والايه؟ والباطل - [00:47:02](#)  
وذكرى المتكئين. زي ايه برضه؟ قل انما ايه؟ اندركم اي كان فيها تذكير للمتقين طب عكس المتقين ايه الفجار والاشقياء. يبقى ما بيتزكروش. ما بيستفيدوش بالكتب السماوية ولزلك المتقين ورد وصف لهما. وذكرنا للمتقين تفسير المتقين ايه؟ او احدي تفسيرات المتقين - [00:47:24](#)

عشان لو قلت لكم ساعات بيبقى وبعد الكلمة يبجي تفسير لها وبشر المختبين الذين كذا. مش كده وبشر المختبين هنا ولقد اتينا موسى وهارون الفرقان وضياء وذكرنا للمتقين. من هم المتقين؟ الذين يخشون ربهم بالغيب - [00:47:52](#)  
وهم ايه؟ من الساعة مشفقين. دي احدي تفسيرات المتقين يعني. يبقى من تفسيرات المتقين الذين ايه؟ يخشون ربهم طيب طب هنا الغيب ليه؟ لان الغيب احسن من الشهادة مليون مرة - [00:48:15](#)

الغيب هنا احسن من الشهادة يخشون ربهم بالايه بالغيب لما تكون الدنيا مظلمة لما يكون الباب مقفول لما يكونش فيه ناس موجودة يبقى خشية ايه؟ حقيقية. انما خشية عشان الناس موجودة - [00:48:32](#)  
يبقى مش بيخشون ربهم بقى وفي السر فيه فجور معي ولا مش معي؟ يا عالم اكون لوحدي اعمل ما بدالي طب والناس موجودة والمسجد مليان وبتاع لا الخش ايه بقى والتقوى ايه - [00:48:49](#)

يبقى جه عشان كده جه الايه يخشون ربهم يبقى حقيقة الخشية لازم تكون بين ما حدش شايفك ما حدش سامعك مش كده اه هي دي الخشية انما الخشية في الدين خشية النفاق - [00:49:06](#)  
الخشية على الملأ والخشية قدام الناس دي اسمها خشية نفاق انما الخشية بالغيب هي خشية الايه؟ المتقين دي زي بالزبط قوله تعالى من خشي الرحمن بالغيب وجاء بقلب ايه منيب ان الذين هم من خشية ربهم مشفقون - [00:49:25](#)

الذين يخشون ربهم بالغيب قلنا ان الاصل في الخشية ان تكون بالغيب. اما الخشية بالعلانية هي خشية المنافقين خشية الايه؟ المنافقين وان يقولوا تسمع لقولهم يعجبك قولهم دي حاجات في الظاهر - [00:49:47](#)  
انما في الباطن فيه كراهية فدي خشية صناعية خشية تمثيلية مش حقيقية اما الخشية الحقيقية هي خشية الايه الغيب تخاف من الله في الغيب وانت قاعد لوحذك الباب مقفول دنيا مظلمة - [00:50:14](#)

هو دي الخشية بقى يخشون ربهم بالغيب وهم من الساعة ايه خايفين خايفين بعدها بعد ذلك قوله تعالى وهذا ذكر مبارك انزلناه وا يبقى ولقد اتينا موسى وهارون الفرقان وهذا ايه - [00:50:37](#)  
ذكر مبارك انزلناه افانتم له منكرون بالذكر المبارك اللي هو القرآن لا يأتيه الباطل من بين يديه ولا من ايه ولا من خلفه. كما قال تعالى وهذا خلي بالك كلمة مبارك دي وردت كتير جدا وقرينة لمين؟ للقرآن - [00:51:00](#)

ترادف لها على طول كده مبارك مبارك وهذا كتاب انزلناه مبارك مصدقوا الذي بين يديه ولتنذر ام القرى ومن حولها سورة الانعام. وقوله تعالى وهذا كتاب انزلناه مبارك. فاتبعوه واتقوا لعلمكم ترحمون - [00:51:21](#)  
كتاب ايه؟ مبارك. فاتبعوه واتقوا لعلمكم ترحمون. والاية اللي معنا دي واية صاد كتاب انزلناه اليك مبارك ليدبروا آياته وليتذكر ايه

القرآن يا اخواننا بركاته والله والله لا تنتهي ابدًا - 00:51:45

بركاته معنوية بركاته حسية بركاته في الدنيا وبركات في الآخرة بركات القرآن لا يمكن زي القرآن لا يحصى خيره بركاته لا تحصى ايضا لا تنقطع عجائبه بركاته لا تنقضي - 00:52:07

دنيا وآخرة دنيا والله. هذا كتاب انزلناه مبارك كتاب انزلناه. طبعًا هن المشركين بينكروه وقولوا بقى سحري وقولوا اساطير اولين يقولوا اي حاجة قرب العزة يقول افانتم له منكرون يعني - 00:52:27

طبعًا كلام في غاية التعجب تنكروا الشيء زاهر وجلي وانتم عارفينه زي احنا دلوقتي احنا دلوقتي ايه الفرق بين الانكار والاهمال؟ اديني عقلك ايه الفرق بين الانكار والاهمال ها في فرق - 00:52:49

نتيجة واحدة الانكار هو الاهمال يقوم احنا علمنا فيه ايه؟ اهملناه اعترفنا به بس نتيجة الاعتراف ايه؟ هو بس الاعتراف يعطينا من الخلود في النار بس نقر بالقرآن ونؤمن به ونؤمن برب العالمين ونؤمن بالرسول دي تعافينا من الايه؟ من الخلود في النار. انما ما ما

تعافينا من العذاب. نتعذب - 00:53:07

الانكار والاهمال النتيجة واحدة بالنسبة للقرآن اما آآ بالحال اللي احنا فيه ده كده احنا مش منكبين احنا مهملين نصوص في المصحف نصوص على المنابر بس في الواقع نعيش حياتنا بقى - 00:53:31

كل واحد بطريقته التاجر بطريقته والحرفي بطريقته والمهني بطريقته. وآآ المرؤوس بطريقته والرئيس بطريقته. كل واحد بطريقته يبقى ده اسمه ايه ها؟ اهمال مش انكار بس المحصلة انه على جنب انه على جنب. افانتم له منكرون! لا يا ربي احنا مش منكرون. انما

احنا ايه بقى؟ وقال الرسول ها - 00:53:49

يا ربي ان قومي يتخذ هذا القرآن ايه؟ مهجورًا ان قومي اتخزوا هذا القرآن مهجورًا نكتفي بهذا القدر ونسأل الله العظيم ان ينفعنا بما علمنا وان يعلمنا ما ينفعنا صلى الله وسلم وبارك على نبينا محمد. اتفضل - 00:54:19

متعددة. ايوه نعم. لا لا هو كده اه الموازين متعددة والنتيجة قسط مليون وزنة قسط مليار وزنة قسط يبقى الموازين متعددة لكن النهاية ايه؟ نتيجة واحدة ما ما تجيش على القيس لازم يجي مفرد - 00:54:42

اه ونوضعه. لا ما تنقمعش ماشي فهي ووعد لواحد بس يقول يقول الله عز وجل بل الانسان على نفسه بصيرا يعني عاوز معناها يعني ولا ايه؟ تفسير اه بل الانسان على نفسه بصيرا. الانسان اي كل الانسان. مش المسلم والكافر او المسلم دون الكافر ده كل الانسان -

00:55:03

كل الانسان على نفسه بصيرا البصيرة دي موجودة فين ايه هو بل الانسان على نفسه بصيرة يعني بصير بحال نفسه ما فيش واحد هيدخل النار هو في حديس لكن لا يحضرنى نص الان - 00:55:32

النار مش الجنة النار الا وهو يعلم انه احق بها من الجنة ايقر تماما ان هو احق بالنار والنار احق به من الجنة هو نفسه ولسه قايلين دلوقتي بسماع الصم وقالوا - 00:56:00

لو كنا نسمع او نعقلها ما كنا في اهي دي دي من ضمن البصيرة ومين اللي قال لهم بيقولوا كده هم هم اللي قالوا كده وقالوا لو كنا نسمع او نعقل ما كنا في اصحاب السعير - 00:56:25

لا الملائكة اجبرتهم ولا حاجة ده ندم وحسرة فيقولوا لو كنا فالبصيرة اي الهداية اللي هي وهديناه النجدين يبقى الهدى موجود معك والاستعداد للضلال موجود معك الاتنين موجودين فانت بصير على نفسك تقدر تغرقها وتقدر تنقزها - 00:56:47

عندنا في سورة الشمس قد افلح وقد خاب فين الفاعل ها فين الفاعل؟ في الحالتين الاتنين قد افلح فين فعل افلح اللي هو مانجا اهو من؟ الاسم الموصول دهو قد افلح - 00:57:17

من زكى زكى نفسه وقد خاب هو برضو جاي نزيها يا يدمرها نعم لا هي النفس النفس انما الروح تطلق على الروح بس والجسد جسد. الاتنين مع بعضهم اسمهم نفس. وما ابرئ - 00:57:41

نفسى ونفس ونفس وما ايه يبقى النفس الشاملة ايه تعلم ما في قل لي كلي ولا اعلم ما في نفسك والله اعلم ما هي مواضع رفع

اليدين في الصلاة؟ عند تكبيرة الاحرام بترفع - [00:58:06](#)

ماشي جزو منك تلمع الازونين او من كبير تبقى عندي تكبيرة الايه الاحرام وعند الركوع وعند الرفع من الركوع وعند القيام للثالثة وعند القيام للايه؟ للثالثة في المغرب وفي الايه - [00:58:29](#)

والعصر والظهر والعشاء نعم جلوس ولى في الوقوف لا كل ده ما هو ما هو عند في تكبيرة الاحرام يبقى واقف لا عند القيام من الركوع من الجلسة؟ اه ولما يقف لما يقف - [00:58:55](#)

اه وهو واقف اه نعم نعم يرفع يديه. نعم اه يقول قال اه ها قال لما اقوم من التشهد الاول للوقوف للوقوف ايضا الصلاة صحيحة لكن لو تركها متعمدا تبطل - [00:59:11](#)

اه ما فيش ضرورة للترك ما فيش عزز صحي مش عاجبه الحالة دي ان شا الله بطلع ايوة نعم ايوة وايوة واخذ بالك؟ اه انا قلت طلاق اهو ومتعمدا اه بداية حياة الطفولة هي الرضاعة كغذاء - [00:59:33](#)

فكيف صارت حياة امنا حواء منز ولادتها؟ اولاً امنا حواء ما حدش يرضعها وما كانش فيه صيدلية فيها لبن حواء اتولدت كبيرة كده يكون يدا. كبيرة كده قال الله قال الرسول عليه الصلاة والسلام خلق الله ادم - [00:59:59](#)

على صورته ستون ذراعا خلق الله ادم على صورته ستون ذراعا والضمير في صورته عمل اشكال عند بعض اهل العلم مع اني مش شايف فيه اي اشكال اصلا ابدًا ولا في داعي للاشكال من اساسه - [01:00:23](#)

على صورته اي على صورة ادم ايه المشكلة؟ على صورة ادم نفسه. الله سبحانه وتعالى كما قال صوركم فاحسن صوركم. صورته الله سبحانه وتعالى عالصورة دي وصوركم فاحسن تشمل ادم واولاد ادم - [01:00:48](#)

وتشمل الحيوانات وتشمل الطيور وتشمل كل شيء ومن اسمائه سبحانه وتعالى المصور المصور الخالق البارئ المصور صور كل شيء تصور ادم على صورته كائن كبير طويل وقال الحديدس كده. طوله ستون ذراعا - [01:01:09](#)

ستون ذراعا. خلقك على الهيئة دي ستون ذراعا بالشكل ده بالوجه ده بالانف بالعدول بالعيون بالازن بكل شيء. على صورته. كبير كده ونفخ فيه من روحه فصار ايه تصوروا ادم - [01:01:34](#)

لما اراد الله عز وجل ان يخلق له حواء خلقها على صورتها ايضا على صورة ها على صورتها على صورتها. لأ طول ما فيش نص فيه بس على صورته. حواء يعني كبيرة كده - [01:01:55](#)

كبيرة كاملة ما هنقول بلغة بلغة وجاهزة للزواج ما فيش ما شاء مش طفلة لا هي كده حواء الام الكبيرة اللي تأنس بها ادم مش لسه يقعد يربيهها ويكبرها ويرضعها - [01:02:14](#)

ما هو الجنة فيها انهار لبن مش كده ولا ايه؟ ما شربت من انهار اللبن ديت علشان تكبر. شربت منها على ان هي فين في الجنة. شربت من انهار اللبن عشان هي مش عشان هي طفلة وشربت من الانهار وهي تيجي لنا في الكبرى. لأ - [01:02:33](#)

فهي خلقت على ايه؟ صورتها. كبيرة كده ومن ساعة ان خلقت تزوجها ولا تقدم لابوها ولا جاب شبكة ولا عمل ماشي خلاص هو تزوجها وانس بها وانست به وانتهى الموضوع - [01:02:49](#)

فيعني اه خلق وجعل اه خلق منها زوجها الزبديدة وجهل بقى اللي هو ايه؟ التناسل والله اعلم يعني التناسل بعد ذلك تناسوا بعد ذلك لان المسألة الاولانية ديت اللي هي فيها الخلق خلق - [01:03:09](#)

بدليل الحديدس خلق الله ادم وبقى هي برضو خلقت كزوجة له وهو كزا وعاشوا في الجنة على قد ما عاشوا ونزلوا وآآ اكتملت المسيرة يعني وانا حبيت بس اجاوب على السؤال عشان فعلا فيه يعني ايه فيه حاجات بتبقى تدور في الدماغ متهيأ له ان هي

صغيرة وكبرت لأ هي ما هي كده هكزا. لان آآ ادم عليه السلام هكزا - [01:03:29](#)

خلق كبيراً بالصورة دي واهل الجنة يدخلوا على هيئة ادم عليه الصلاة والسلام كده يعني وما زال الخلق يتناقص كما صرح بذلك النبي عليه الصلاة والسلام حتى الان. كل يوم بايه؟ او كل جيل بيتناقص يعني - [01:03:54](#)

ونسأل الله ان ينفعنا بما علمنا وصلى اللهم وسلم وبارك على سيدنا محمد - [01:04:09](#)